

## **Mirsad Hadžikadić:**

Imao sam sučeljevanje sa jednim kandidatom i prošlo je jako dobro. Mi nismo suparnici, tako da je bilo fino. Od tad smo imali tri javne tribine. Zapravo, juče smo imali dvije javne tribine: jednu u selu Seljublje, a druga je bila razgovor sa mještanima još jednog sela, Šadorović, što je bilo potpuno neočekivano i neplanirano. Dodali su to u raspored dan ranije a ja nisam ni znao za to. Nisam očekivao mnogo. Organizator se pojavio u jednom kafiću odnosno restoranu, i dvadesetak ljudi je tu sjedilo i pilo kafu. On je onda ušao i predložio da svi idemo na sprat i razgovaramo o politici. Pitali su zašto bi to uradili, a on je rekao da je to zato što je jedan od kandidata tu. Pitali su ko je to, i on je rekao. I tako je dvadesetak ljudi otišlo na sprat i razgovarali smo, i bilo je zanimljivo. Na početku su rekli da ih nije briga za politiku i da su svi političari isti. A onda su nakon 45 minuta razgovora odlučili da sam ja sjajan čovjek i da trebamo organizovati roštilj, pa nas je jedan od njih pozvao kod sebe. Otišli smo, i bio je to najbolji roštilj u mom životu. Oni takođe proizvode domaću šljivovicu i pokazali su mi kako to rade. Razgovor je bio sjajan. Desetak ljudi je bilo tu i bilo nam je zabavno. Bio je to vjerovatno najbolji dio kampanje iako uopšte nije bio planiran. To su bili sjajni ljudi. Oni svi uzgajaju voće, i to je jedan od najboljih krajeva u Bosni za šljive i višnje, po čemu su i poznati. Svi su poljoprivrednici i došli su tu i razgovarali smo, a na kraju su svi obećali da će oni i njihove porodice i prijatelji glasati za mene. Zatim smo otišli u jedan drugi grad, Brčko. To je zanimljiv grad. Bosna je podijeljena na dva dijela: Republiku Srpsku i Federaciju, ali na jednom dijelu u sjevernom dijelu Bosne, Federacija dijeli Republiku Srpsku na dva dijela. Taj dio gdje je Republika Srpska najuža, taj grad koji su obje strane svojatale, i Federacija i Republika Srpska, trebao je da pripada Federaciji, ali to bi presjeklo Republiku Srpsku na dvije polovine, pa su prilikom potpisivanja Dejtonskog sporazuma odlučili da to bude distrikt, poput D.C.-a (Washington, D.C.). Nazvali su ga Brčko distrikt, i on ima vlastitu vladajuću strukturu. Narod tu mora da se izjasni da li želi da glasa u Republici Srpskoj ili u Federaciji. Otišli smo tamo i imali sjajan dvosatni razgovor. Razgovarali smo o njihovim problemima i ja sam im rekao kako ja vidim ovu državu. Nakon dvosatnog razgovora na toj javnoj tribini, dvadesetak njih je ostalo i željeli su dugo da razgovaraju. Tako smo umjesto do 20:00 ostali do 21:00 a onda vozili nazad za Sarajevo, što je preko tri sata vožnje. Stigao sam kući oko 01:00 ujutro i otišao u krevet oko 03:00, pa ustao oko 06:00 zbog

prvog sastanka tog jutra. A sad moram da trčim da se odmorim kako bih onda mogao da igram košarku.

**Clark Curtis:**

Razumijem.

**Mirsad Hadžikadić:**

Za petnaestak minuta moram da budem tamo i da igram košarku na turniru. Pozvali smo mlade. Znaš, mnogi ovdje pozivaju ljude na kafu sa kandidatom, tako nešto. Mi smo odlučili da ih pozovemo na košarku sa kandidatom. Očekivali smo da će se pojaviti 3-5 ljudi i da ćemo igrati košarku. Međutim, prijavilo se 30-tak ljudi, pa smo formirali 10 timova i sad moramo organizovati turnir. I tako, ja ću se osramotiti za sat vremena sa svim tim ljudima koji znaju kako igrati košarku, gdje ću ja biti čudni stari čovjek koji pokušava da igra. Ali, bit će odlično, bez obzira na to.

**Clark Curtis:**

Sjećam se posljednji put kad si igrao košarku pa ti je trebao gips na ramenu ili tako nešto.

**Mirsad Hadžikadić:**

Znam, ali to je bila utakmica u SAD-u protiv ekipe Bosanaca koji misle da znaju ili bi trebalo da igraju u NBA ligi, i oni tako i igraju. Možda će ovi dečki ovdje imati nekakvo poštovanje prema mojim godinama. Jedno od njih je pitalo moraju li me pustiti da pobijedim, a odgovor je bio da samo igraju kao što i igraju protiv bilo koga drugog. I onda su rekli da će doći i igrati.